

THE HISTORY OF THE

THE HISTORY OF THE

THE HISTORY OF THE

THE HISTORY OF THE

THE HISTORY OF THE

THE HISTORY OF THE

THE HISTORY OF THE

THE HISTORY OF THE

此據史學叢書本
排印初編各叢書
僅有此本

新校晉書地理志

晉書地理志列十三州。州凡三篇。前篇紀漢魏立州郡之始。中篇列晉代郡縣。後篇紀惠帝以後增損之制。間有太康三年更革州郡。亦附後篇。如秦甯二州而冠以總序。此其大要也。然中篇郡縣不列年分。綜核全志。有荆、揚、交、廣。則爲太康元年平吳之後可知也。有秦、甯二州。則爲太康三年未及并省以前又可知也。乃東莞、順陽等郡下。又注太康中置。則本書自爲矛盾矣。然太康二三年事。猶可強稱曰中。若總序稱太康元年既平孫氏。凡增置郡國二十有三。內有新野、隨郡。而於荊州乃列後篇。爲惠帝增立。不入郡國一百七十三之數。則太康增置僅二十一。合之漢、魏、蜀、吳舊制。僅一百七十一矣。又以各州中篇所列郡國。同十二。兗八。豫十。冀十三。幽七。平五。并六。雍七。涼八。秦六。梁八。益八。南。西。青六。徐七。荆十二。揚十八。交七。廣十。合計亦僅百七十二。此又數之訛謬也。又總序太康增置郡國內有甯浦郡。而廣州中篇甯浦郡下。則曰吳置。總序前言。魏武所置。有略陽、陰平。魏文所置。有義陽。乃此三郡又在太康增置二十三郡國之列。復考之秦州中篇。略陽、陰平。又皆云秦始中置。荊州中篇。義陽。則又云太康中置。此又文之訛謬也。又凡戶口增損之數。月異歲殊。地志所載。必以極盛一年爲斷。而隴列郡縣。亦斷於是年。故前漢地理志。郡縣戶口斷於元始二年。續漢郡國志。郡縣戶口斷於永和五年。今考本志總序。紀太康元年戶口之數。而中篇所列之郡。有順陽、義陽爲太康中置。宜城爲太

康二年置晉安南康爲太康三年置是郡國下散載戶口與總序不相合則當以何年爲定此又體例之訛謬也一序之內紛紜舛錯披讀全志羣疑叢生爰據本書紀傳諸志載述異同又取杜預張華京相璠皇甫謐劉逵諸儒箸述皆身當其時疏列異說以相證引又據東晉郭璞王隱常璩閻騮諸人書用證西晉中原板籍若沈約州郡志魏收地形志酈道元水經注則惟取西晉沿革以校此志之失其唐以後地志考證西晉郡縣有獨標異義者亦閒及之與此志抵牾非復一條誦讀之暇輒爲辯證一卷至于江左中興以後校本志諸州後篇舛誤各條則已見洪氏亮吉東晉疆域志十六國疆域志無煩末學贅言故悉從缺略是爲序陽湖方愷

新校晉書地理志

清 陽湖方健撰

司州

河南郡

案續漢郡國志劉昭注引皇甫謐帝王世紀曰尸鄉在偃師縣西三十里水經注引太康地道記同郭璞山海經穀水注云今穀水出穀陽谷東北至穀城縣入洛河左氏隱十一年傳吾先君新邑于此杜預注云此今河南新鄭據此知晉時有偃師穀城新鄭三縣皆當從續漢志屬河南郡寰宇記謂偃師晉併入洛陽又云西晉省穀城縣入河南蓋援本志望文生義耳郭璞案郡國志安農郡有新安云潁水出潁州郡志言潁太康地志屬河東誤也地理志穀城潁水出潁州郡志言潁太康地志屬河東誤也地理志穀城潁水出潁州郡志言潁太康地志屬河東誤也地理志穀城潁水出潁州

穀陽郡

案左氏襄十八年傳遂涉潁次于旃然杜注旃然水出穀陽成皋縣東入汴昭五年傳子太叔勞諸索氏杜注又云河南成皋縣東有大索城一縣不應兩屬未詳孰是又隱元年經鄭伯克段于鄆杜注在穀陽宛陵縣西南宛宛古通案案地形志宛陵二漢屬河南晉屬汝陽有新鄭城鄭莊公廟據此是新鄭晉時已并入宛陵矣汝陽當是穀陽之譌又案魏收地形志注成皋晉屬河南後屬穀陽疑杜預時已改屬此郡後人誤用本志改竄昭五年注文耳又案寰宇

記晉太始二年分河南置陽翟郡以密縣屬焉未詳所本又本書魏舒傳遷宜陽、滎陽二郡太守在文帝時宜陽郡或至武帝時已廢滎陽郡則非泰始二年始置明矣

宏農郡

案本書載記晉華山太守董邁降姚興胡三省云晉分宏農之華陰京兆之鄭、潁、夏陽置華山郡考杜氏隱十一年注謂鄭在京兆桓五年注謂梁在潁、夏陽杜氏春秋釋例謂渭水至宏農華陰縣入河郭璞注爾雅山海經華山皆言華陰屬宏農疑此郡置在東晉中年也
潁池杜氏僖三十二年注作灋
潁池實案二漢志作灋
潁池魏志作灋

平陽郡

左氏僖十五年傳明年其死于高粱之墟杜注在平陽楊氏縣西南又昭二十八年傳倭安爲楊氏大夫注平陽楊氏縣疑楊縣當作楊氏僖九年高粱注在平陽縣西南脫縣名矣又二十四年高粱注作楊氏字

河東郡

杜注左氏傳襄元年實諸瓠邱云河東東垣縣有壺邱郭注山海經王屋山今在河東東垣縣州郡志稱太康地志有東垣縣是此郡垣縣當作東垣也
垣縣實案州郡志司州河南領東垣云二漢晉太康地志有東垣縣今改漢志河東郡有垣縣無東垣亦不屬河南疑沈

河東也云屬

又案郭注爾雅漢大出尾下條郭注山海經跂踵之山條皆云今河東汾陰縣有漢水杜氏文六年傳改蒐于董注亦謂河東汾陰縣有董亭本志作汾陽疑誤寅案汾陽二漢志皆作汾陰本志乃傳寫之訛

汲郡

左氏隱十一年傳注。櫟茅隤二邑在修武。屬汲郡。與本志合。山海經。西山經。郭注。今河內修武縣北黑山。亦出清水。水經注。清水篇引京相璠曰。河內修武有隤城。疑西晉末改屬也。

河内郡

續漢郡國志。河內郡有武德縣。石勒載記。勒攻冠軍將軍梁巨於武德。水經注。沁水篇引闕駟言。洑水至武德入河。疑此縣西晉時尙存。

廣平郡

劉庠案本志前篇言魏氏受禪卽都漢宮司隸所部河南河東河內宏農并冀州之平陽合五郡置司州無廣平郡而廣平郡下乃又言魏置則魏時司州有六郡矣寅案郡國志注建武十三年省廣平國以其縣屬鉅鹿州志亦書建武十三年省并鉅鹿魏分鉅鹿魏復爲齊平又地形志曲梁縣云魏黃初二年復置郡治洪氏縣城以益疆域志因之是廣平省在建武沈志言建武中魏郡則廣平之省當在建安末沈志言建武中省盜本范書光武紀而不言何時復立疏矣

劉逵魏都賦注。溫水在廣平都易縣。都易字疑有誤。郡國志注作易陽是也。又注云。龍山在廣平沙縣。卽本志之泚。志誤也。寅案郡國志。魏郡沙侯國。劉昭引魏都賦注曰。有龍山。是沙縣不當作泚矣。地理志。魏郡有沙縣。惟王子侯表作涉侯。魏武紀。水經注。元和志。實字紀。並作涉。王氏補志。以沙爲傳寫之譌。恐非。又斥漳郡國志。地形志。皆作斥漳。又本書程衡傳。衡廣平曲周人。案曲周前漢屬廣平。後漢屬鉅鹿。疑晉初仍屬廣平。本志不載。未詳。寅案州郡志云。曲周。太康地志屬廣平。作曲周梁。本志曲下脫周字。

陽平郡

郡國志。地形志。清泉皆作清淵。本志作于唐。太宗時避諱改。非真名也。又地形志。陽平郡武陽。晉屬東郡。曰東武陽。後改屬本志。此縣既屬陽平。則應曰武陽。若仍稱東武陽。則應屬東郡。始與地形志合。又州郡志。發于今漢舊名。屬東郡。太康地志無。地形志言晉屬陽平。疑太康時省。惠帝後復置。又州郡志。樂平。今前漢曰清。屬東郡。章帝更名。晉太康地志無。地形志言晉屬陽平。蓋亦非太康舊制矣。

魏郡

鄴。晉愍帝諱也。州郡志云。江左避諱改曰臨漳。本志或于此斷爲太康地名。則當別見。後篇概從刪削。似缺晉典。

頓丘郡

左氏僖二十三年傳。出于五鹿。杜注。今衛國縣西北有地名五鹿。三國魏志。建安十七年。以東郡之衛國

益魏郡。地形志：衛國晉屬頓丘。州郡志：衛國令。晉太康地志有案。據各書本志：衛下脫國字。春秋文元年，公孫敖會晉侯于戚。杜注：在頓丘衛縣西。亦有譌脫也。水經注：河水篇引京相璠曰：今衛國縣西北三十里有五鹿地，今屬頓丘縣。

兗州

陳留國

地形志：扶溝晉屬陳留。又州郡志亦云：扶溝太康地志屬陳留。志缺。又地形志：圍城晉曰圍，屬陳留。後龍州郡志言：太康記無此縣，未詳孰是。本書江統、江適傳：皆陳留圉人。是晉初當有是縣。或太康末始省歟。又蔡豹、陳留圉城人，見豹傳。又案本書：元敬虞皇后傳：后爲濟陽外黃人，隱逸、范粲傳。又云：蔡陳留外黃人，志列外黃於此，未詳孰是。又蔡謨傳：謨陳留考城人。考城東漢縣，疑晉時尙存。實案州郡志：晉惠分陳留爲濟陽國，領縣二：考城、鄆城。又大康地志：陳留無考城縣。

濮陽國

州郡志：南濮陽太守。本東郡。晉武帝咸甯二年，以封子允，以東不可爲國名。東郡有濮陽縣，故曰濮陽國。濮陽，漢舊名也。允改封淮南，還爲東郡。趙王倫篡位，廢太孫臧爲濮陽王。王尋廢，郡名遂不改。據沈約說，是晉武帝改東郡爲濮陽，非分置也。地形志：東郡秦置。晉改濮陽，後復其屬縣曰東燕，曰白馬，皆晉屬濮陽。

陽後屬東郡曰酸棗曰長垣皆晉屬陳留後屬東郡又有濮陽郡云晉置其屬縣曰廩丘曰濮陽曰鄆城皆晉屬濮陽曰城陽晉屬濟陰後屬濮陽據魏收說是晉復立東郡之後與濮陽郡分統諸縣也左傳注隱五年之燕縣定八年哀十六年注亦有東郡燕縣莊十四年之鄆城縣僖十三年宣十二年之濮陽縣成十六年襄二十六年之廩丘縣襄二十四年之白馬縣皆云屬東郡據杜預說又本書文苑成公綏傳綏東郡白馬人是但有東郡別無濮陽郡也太康地志鄆城白馬燕三縣屬濮陽廩丘濮陽二縣未詳所屬據沈約所引太康志說是但有濮陽郡別無東郡也各說互淆巧歷不能算是非不可決若燕縣則西晉時仍在諸說俱同又案水經注瓠子河篇京相璠曰清丘在今東郡濮陽縣東南三十里魏都尉治又曰今東郡廩丘縣南有羊角城又曰東郡廩丘縣南三十里有故鄆都又曰今東郡廩丘縣東八里有故蓮城參考衆說似西晉時兩郡俱存也又本書鄭袤附傳子默武帝時爲東郡太守劉喬傳河閒王顥以喬長子祐爲東郡太守郝鑒附傳叔隆爲東郡太守在趙王倫專政之前魏浚傳浚東郡東阿人又可爲西晉有東郡之證乃本志司州前言廢東郡立頓丘後篇又不載復立東郡不詳何據

濟陽郡

此濟陽郡當作濟陰今考洪氏亮吉東晉疆域志濟陽郡下云沈志晉惠分陳留爲濟陽國濟陰郡下云案晉志兗州有濟陽郡領定陶等九縣此濟陽實濟陰之譌而惠帝分置之濟陽則志反闕之洪氏說是

也。又案左傳隱八年注。濟陽句陽縣東北有垂亭。此刊本因晉志誤也。爾雅再成爲陶邱。郭璞注。今濟陰定陶城中。左桓四年注。曹國今濟陰定陶縣是也。本書卻說傳。說濟陰單父人。十壺傳。壺濟陰宛句人。足證陽爲陰之誤。寅案錢氏攷異曰。漢無濟陽郡。蓋濟陰之誤。今攷州郡志。於城武離狐二縣並云。晉太康地志。屬濟陰。可證濟陽當作濟陰。杜佑通典云。濟陰郡。晉爲濟陽郡。非也。

高平國

高平屬邑。在漢均屬山陽。晉改山陽爲高平。本志云。故屬梁國。晉初分山陽置。文有譌奪。又案太康以前。並無高平。王似不當作國。互見魯郡下。

東平國

郡國志。濟北國有剛縣。杜氏哀八年注。東平剛縣北有闡亭。字亦作岡。水經注。汶水西南過岡縣北。京相璠曰。岡縣西四十里有闡亭。剛岡通。隱五年傳。邾人侵衛注。東平剛父縣西南有邾鄉。父字衍。地形志。剛晉曰剛平。後改。

濟北國

本書魏浚傳。浚東郡東阿人。與志異。必有一誤。

泰山郡

庠案郡國志。泰山南城故屬東海。有東陽城。左氏襄十九年。城武城。杜注。泰山南武城縣。而哀八年。

吳師伐晉。既克武城。又克東陽。史記曾參南武城人。章懷後漢注。南城會子父所葬。是南城卽南武城也。又哀十四年。丘輿杜注云。泰山南城縣西北有輿城縣。據杜預注。左氏皆作南城。不作南武城。可證襄十九年。杜注之泰山南武城縣。言泰山之南有武城縣也。

本書兩羊后及羊祜傳。皆云泰山南城人。無武字。庾案羊祜傳云。詔以泰山之南武陽平。南城。梁父。平陽。五縣爲南城郡。封祜爲南城侯。祜卒。仍聽復本封。今志

下又無南城縣。杜氏隱六年注。泰山牟縣東南有艾山。地形志。牟。漢晉屬泰山州郡志。同是泰山屬

邑爲牟。非東牟也。漢東牟縣屬青州東萊郡。不當在此互見。青州東萊郡。庾案羊祜傳。泰山郡亦作牟。不

以牟爲東牟皆誤也。又左傳宣八年杜注。今泰山有平陽縣。知新泰之改或在武帝末。州郡志東莞郡下云。新泰

令魏立。屬泰山。杜氏親當其時。不應捨新號取舊名。沈說似誤。本志缺更名年分。亦失考證矣。庾案地理

氏散麟云。左宣公八年。城平陽。杜注。今泰山有平陽縣。案州郡志。兗州高平郡有平陽縣。疑此縣太康初

有之。不知定于何時。而南宋復立。改屬高平也。明實錄案平陽改名新泰。據水經注。在晉武元康九年。元

康非武帝年號。或以爲太康之誤。或以爲武帝當作惠帝。而州郡志地形志。皆以爲魏立。與鄧注亦不相

合。元和郡縣志又云。泰始中。鎮南將軍羊祜表。改爲新泰縣。則杜預注。傳在祜卒後。不當復云。今有平陽

和志。紛紜未詳孰是。沈魏二志尙多舛誤。元

和志可無論矣。鄧注云。元康中。改觀瀝可從。

潁川郡

郡口志注引皇甫謐帝王世紀曰。魏文帝登禪于曲臺之繁陽亭。爲縣曰繁昌。今潁川繁昌是也。州郡志。

豫州

繁昌令漢舊名本屬潁川魏分潁川爲襄城又屬焉晉亂襄城郡以此縣屬淮南案繁昌實爲魏置非漢舊名沈說似誤又州郡志西華漢舊縣屬汝南晉初省惠帝永康元年復立屬潁川本書荀勗傳子藩元康中封西華縣公是此縣至西晉尙存也本志前後篇俱不載案地志潁川領曲陽縣云後漢屬下晉罷潁城復屬潁川本志後篇亦不載

汝南郡

左傳襄四年注繁陽在汝南潁陽縣南據杜說南頓當屬汝陰潁陽當屬本郡互見汝陰下或作濯陽誤案後漢書吳漢傳濯陽侯注云濯陽縣名屬汝南郡在濯水之陽因以爲名說文濯水出汝南吳房入潁水經注同州郡志作潁陽亦誤俗本作濯華阮已校正吳房杜氏作吳防見昭十三年注防房古通

襄城郡

庠案左氏僖二十四年邲晉應韓杜注應國在襄陽城父縣又昭十九年大城城父杜注城父今襄城城父縣此二城父皆當作父城而僖二十四年之襄陽乃襄城之譌蓋父城兩漢皆屬潁川郡晉分潁川置襄城故父城屬襄城春秋本名城父而漢晉作父城者以漢時沛郡有城父故改爲父城此志沛郡無城父而譙郡有之當卽沛郡分屬者也左僖二十三年遂取焦夷杜注夷一名城父今譙郡城父縣據此則杜預之時譙未爲封國然考晉書譙剛王傳剛王于武帝受禪時卽封譙後亦

無徙封之事。則杜注誤矣。

繁昌疑當從皇甫氏說。屬潁川。見前。魏志稱襄城郡晉置。繁昌晉屬豈西。晉末移屬皇甫氏不及見耶。本書五行志。惠帝永寧元年。齊王問舉義軍。軍中有小兒出于襄城繁昌縣。亦同魏說。案州郡志繁昌本襄城又屬潁川是魏已屬襄城皇甫說未可從。

汝陰郡

左氏僖二十三年傳。城頓而還。杜氏注。今汝陰南頓縣。據杜說。此郡之銅陽。當與汝南之南頓互易也。見前。又案州郡志。南頓令漢舊縣。何志故屬汝陽。晉武帝改屬汝南。沈約案晉太康地志。王隱地道無汝陽郡。竊疑汝陽當作汝陰。

梁國

案本書武帝紀。泰始元年。封從叔父斌爲陳王。故杜氏隱三年有陳國陳縣。成十六年有陳國武平縣之注。序案水經曰水注又東逕鹿邑城引杜預亦作陳國武平。至咸寧三年。徙斌爲西河王。國除爲郡。故州郡志言項城令太康地志屬陳郡。本書梁王彤傳。咸寧中以陳國汝南南頓增封。蓋割數縣增梁國耳。非謂遂廢陳郡也。若如本志竟刪陳郡。則汝南何以不刪。太康志何以仍有陳郡。後篇但言惠帝分梁置陳。疑非確證。又案杜氏僖十七年注。項國汝陰項縣。蓋陳王斌立國時。項屬汝陰。及太康時還爲陳郡。而項屬陳。或其時始更名項城。

總之。縣始終不屬梁國也。爾雅。陳有宛丘。郭璞注。今在陳郡陳縣。又州郡志引太康地志。陳令屬梁。無復陽夏縣。又晉地志。惠帝永康中。復立陽夏。本書何曾謝鯤袁悅之袁瓌傳。皆陳國陽夏人。蓋西晉初。陽夏屬陳。太康末。廢惠帝復立也。又案本書陳顗傳。顗陳國苦人。仕爲郡督郵。太守劉享拔爲主簿。據此。則郡督郵實陳郡之督郵也。劉享實陳郡之太守也。顗後勅案沛王韜獄。韜以咸寧元年封。不得謂太康時無陳郡。至惠帝始分置也。又殷浩傳。浩陳郡長平人。王隱傳。隱陳郡陳人。

沛國

汶屬遼東。此當作汶。刊本譌誤也。杜氏隱七年注。滕國在沛國公丘縣東南。本書賈充傳。咸寧三年。更以沛國之公丘益其封。本志公丘屬魯國。未詳孰是。本書武陵傳。陟沛國竹邑人。此作竺邑。似誤。

譙郡

案本書譙剛王遜傳。武帝受禪。封世嗣譙國。至東晉末。故杜注左傳。隱二襄元昭六等年。皆作譙國。此作譙郡。誤。杜注亦有作譙郡者。俗本援此改竄也。本書兩夏侯后傳。皆稱沛國譙人。此亦當作譙國。刊本誤。沛。

魯郡

本書索靖傳。惠帝卽位之前。爲魯相。考晉初諸王無封魯者。豈相爲太守之誤耶。又案武帝紀。受禪之

始封石苞樂陵郡公。陳騫高平郡公。賈充魯郡公。裴秀鉅鹿郡公。核之本志。樂陵。高平。鉅鹿。皆稱國。蓋緣此得名。然獨于魯則稱郡。本志例不合矣。武帝紀。太康五年夏四月。任城魯國池水赤如血。又紀志之不合也。又新蔡王騰傳。有鉅鹿太守。則與索靖傳之魯相。例又不合。杜預春秋釋例。隱元年作魯國。番當作番。案經漢志作番音屏藩之藩左傳襄四年戰狐台杜注魯國番縣東南有目台亭陸德明音番本或作蕃片郡志亦作蕃云音皮漢末太傅陳蕃子過爲番相改蕃爲番并改音皮也。 弋陽郡。

案漢地理志。軹故弦子國。杜氏左傳僖五年注同。水經注亦云江水東逕軹縣。故城南故茲國也。是漢晉人皆謂弦國在軹。本志謂在西陽。吳氏卓信漢地理志補注云。地道記以爲在西陽。非也。杜氏通典輿地廣記並主其說。非是。

安豐郡

州郡志云。尋陽本縣名。漢屬廬江。吳立蘄春郡。尋陽縣屬焉。晉武帝太康元年省蘄春郡。以尋陽屬武昌。改蘄春之安豐爲高陵。及郟縣皆屬武昌。安豐下又云縣名。後漢屬廬江。晉武帝立爲安豐郡。水經注引晉書地道記云。安豐。安豐郡之屬縣也。與沈志尋陽下說不合。未詳孰是。又寰宇記云。松滋晉武帝平吳。以荊州有松滋縣。改爲宿松。

冀州

趙國

左傳昭十二年杜注鉅鹿下曲陽縣有肥疊城十五年注鼓聚同。又地形志鄆作鄆云二漢晉屬鉅鹿案說文邑部鄆在鉅鹿從邑鼻聲蓋鄆爲正體惟不屬趙國耳。

鉅鹿國

案本書武帝紀分封諸王無鉅鹿之號。本書新蔡王騰傳有鉅鹿太守崔曼是爲郡名無疑。互見魯郡下不當作國。下曲陽鄆當屬此郡見前。又水經注濁漳水篇引關駟十三州志曰楊氏縣北四十里武亭故縣也。郡國志楊氏屬鉅鹿則晉時此郡下當有楊氏縣。本志缺載。又案本書衛恆傳恆序四體書勢云今鉅鹿宋子有耿球碑宋子本漢縣據此知西晉縣仍在。本志缺載。

安平國

地形志長樂郡漢信都晉改又堂陽南宮晉屬安平後屬長樂信都下博晉屬長樂廣川晉屬廣川後屬長樂又云武邑郡晉武帝置武邑武遂灌津晉屬安平後屬武邑阜城晉屬渤海後屬武邑水經注濁漳水篇衛漳又東逕武邑縣故城北晉武帝封子於縣以爲王國後分武邑武遂觀津爲武邑郡治此。本書武帝紀太康五年二月景寅立南宮王子琚爲長樂王太康十年冬十月壬子徙南宮王承爲武邑王又牽秀傳秀武邑觀津人參考兩書晉實有長樂武邑二郡即在太康之後亦當別見下篇本志絕不載及